



**KAMP
NAKUPHI**

2025

8 Augustus 2025

Beste Verkenner, ouer en belangstellende

Dit is weer 'n groot voorreg om Kamp Nakuphi tydens die skoolvakansie van 4 tot 11 Oktober 2025 by die Da Gama-dam naby Witrivier, Mpumalanga aan te bied. Vanjaar vier ons Kamp Nakuphi se 25ste bestaansjaar — 'n betekenisvolle mylpaal wat ons met opregte dankbaarheid vier, in erkenning van die jare se toewyding en samewerking wat die kamp tot hier gebring het.

Nakuphi is 'n waterwerkkamp vir Verkenners (hoërskoolleerlinge) van Die Voortrekkers en word met trots aangebied as 'n gebiedskamp van Leeuwendeld Voortrekkers. Nakuphi fokus op wateravontuur en bied verskeie kursusse soos roeikunde en seilkuns aan om 'n onvergeetlike belewenis vir elke kampganger te verseker.

By Kamp Nakuphi streef ons daarna om die beste kundiges en toerusting in te span om Verkenners te bemagtig met nuwe kennis en vaardighede. Ons doel is egter nie net om hierdie vaardighede aan te leer nie, ons glo dat ons deur ons kampprogram, mentorskap en gesindheid teenoor mekaar, die waarde van **verantwoordelikheid** by jongmense kan ontwikkel. God het elkeen van ons met 'n doel op hierdie aarde geplaas, en deur verantwoordelikheid teenoor onself, ons omgewing en ons medemens te aanvaar, kan ons ons werklike roeping ontdek en uitelef. Ons wil meer bereik as om Verkenners net van knope, bote en die natuur te leer – ons wil Verkenners help om hulle volle potensiaal te ontsluit!

Kamp Nakuphi verstaan die uitdagende finansiële omstandighede wat deur Suid-Afrika se ekonomiese en politieke klimaat veroorsaak word, en ons poog steeds om 'n wêreldklas kamp teen 'n billike prys aan te bied. Vergelyk gerus ons kampfooi met dié van skole en ander organisasies en bereken die waarde van dit wat ons bied:

- 22 heerlike, gebalanseerde etes
- 'n Verrykende kampprogram vol avontuur
- 'n Kampervaring langs 'n pragtige, veilige varswaterdam
- Toegang tot gekwalifiseerde mediese personeel
- 'n Streng benadering tot waterveiligheid
- Verskeie kampaandenkings (soos 'n kursuset en kampknopies)

Indien jy enige navrae het oor die kampfooi, of spesifieke reëlins wil tref, kontak ons asseblief.

Ek sien baie uit daarna om elkeen by Nakuphi 2025 te verwelkom!

Jaco van der Walt

072 312 7722 | jaco@vanderwalt.email

Kampteier

Kampinligting

Tydperk	Saterdag, 4 Oktober 2025 om 12:00 tot Saterdag, 11 Oktober 2025 om 11:00
Plek	<i>Forest Sailing Club</i> Da Gama-dam — tussen Witrivier en Hazyview, Mpumalanga
Verblyf	Tente word vir Graad 8's (Varswaterkunde) en Graad 9's (Roeikunde) verskaf om in te slaap Ander Verkenners en volwassenes: Eie tente
Vervoer	Busvervoer is beskikbaar vanaf Pretoria teen 'n addisionele R870 retoer

Busdiens

Vertrek	NG Kerk Lynnwood, Sussexlaan 439, Lynnwood, Pretoria Saterdag, 4 Oktober 2025 om 07:00
Terug	NG Kerk Lynnwood, Sussexlaan 439, Lynnwood, Pretoria Saterdag, 11 Oktober 2025 om ongeveer 17:00
Busoperateur	<i>Grundling Busse</i>
Koste	Addisionele R870 by inskrywingsfoo
Reisreëlins	Maak asseblief seker dat jy aanmeld by die Kamp Nakuphi-offisier wat jou by die oplaai-punt sal ontmoet en jou naam afmerk. Die bus sal halfpad stop vir 'n kort blaaskans. Daar sal geleentheid wees om 'n koeldrank of lekkers te koop, maar in belang van reistyd mag geen wegneemetes aangekoop word nie. Dit is dus 'n goeie idee om peuselgoed saam te bring. Middage sal met aankoms op die kamp bedien word.

Die Nakuphi-busdiens is steeds die goedkoopste manier om die 720 km retoer tussen Pretoria en die Da Gama-dam aan te pak.

Kamphemp

Nakuphi bied vanjaar weer 'n opsionele kamphemp vir alle Nakuphi kampgangers. Hierdie T-hemp is nie ingesluit in die kampfoo nie en kan vooraf bestel word teen R180 per hemp.

Vanjaar het Kamp Nakuphi 'n splinternuwe kamphemp! Dit is 'n ander ontwerp as die kamphemp wat in 2022 tot 2024 beskikbaar was.

Snoepie

Nakuphi het weer vanjaar 'n snoepie waar 'n paar items soos koeldrank, lekkers en sjokolade verkoop word tydens die kamp.

Die snoepie aanvaar slegs kontant.

Verkennerkursusse

Kursus	Skoolgraad	SO's verwerf	Kampfooi
Varswaterkunde	Graad 8	Varswaterkunde Waterveiligheid	R2250
Varswaterkunde is die ideale plek om jou wateravontuur te begin. Hier leer Verkenners van die watersisteem en ekologie van die Da Gama-dam. Verkenners ondersoek verskeie diertjies en natuurverskynsels en spandeer meer as genoeg tyd in die water! Hierdie is nie 'n kursus vol skoolwerk nie! Ons het 'n praktiese benadering tot leer.			
Roeikunde¹	Graad 9	Roeikunde Riviere Waterveiligheid	R2300
Die roeikundekursus is propvol pret en avontuur. Verkenners bou hulle eie vlot en leer hoe om met kajakke en kano's te roei. Die kursus sluit die rivierespesialisasie in en Verkenners besoek verskeie gedeeltes van die Da Gama-dam.			
Spyseniering	Graad 10 tot 12	Spyseniering Waterveiligheid	R1000
Die spysenieringskursus bied Verkenners die geleentheid om kennis te maak met die wêreld van voedselvoorbereiding. Verkenners leer verskeie kombuisvaardighede soos messlypmetodes, voedselverwerking en spyskaartbeplanning. Verkenners is hulpvaardig tydens die voorbereiding van die kamp se etes, maar het steeds genoeg geleentheid om self in die water af te koel.			
Seilkuns¹	Graad 10 tot 12	Seilkuns Seilvernuf Waterveiligheid	R2300
Nakuphi is passievol oor seil en ons is trots daarop om elke jaar Verkenners te lewer wat hierdie sport bemeester het. Verkenners voltooi die seilkuns- en seilvernufspesialisasies en kry die geleentheid om solovaarte met dubbel- en enkelrompsailbote te neem. Hierdie kursus is 'n hoogtepunt vir alle Verkenners!			
Snorkelduik²	Graad 10 tot 12	Snorkelduik Waterveiligheid	R2300
Verkenners leer hier baie meer as net hoe om te snorkel! Verkenners kry skubaopleiding tydens die kursus en kry die geleentheid om aan verskeie skubaoefeninge deel te neem in die swembad en dam.			
Lewensredding^{1,3}	Graad 11 tot 12	Noodhulp Waterredding	R3350
Hierdie kursus rus Verkenners toe met vaardighede om moontlik eendag 'n lewe te red. In hierdie kursus word Verkenners opgelei in Vlak 1 noodhulp en ontvang 'n geakkrediteerde sertifikaat indien die vereistes bereik word. Verder word Verkenners opgelei in waterredding om verdrinking te voorkom en te hanteer.			

¹ Verkenners wat inskryf vir Roeikunde, Seilkuns, Snorkelduik of Lewensredding moet oor basiese swemvaardighede beskik, en moet gemaklik in die water kan beweeg.

² Geen Verkenners met asma of longkwale mag inskryf vir Snorkelduik nie.

³ Sluit 'n geakkrediteerde Noodhulp Vlak 1 sertifikaat in.

Volwassenes

Nuwe offisiere	Alle volwassenes wat Kamp Nakuphi vir die eerste keer as offisier bywoon, moet hierdie splinternuwe oriënteringskursus voltooi. Die kursus sluit waterwerkspesialisering vir volwassenes in en bied 'n deeglike oorsig van die kamp en verantwoordelikhede van volwassenes by Nakuphi. Volwassenes wat diens doen by taakmag, kombuis, noodhulp of paddavisse is egter vrygestel van die kursus.	R1600
Offisiere	Staatmakers, offisiere en diensdoenende volwasse lede.	R1600
Kombuisspan	Volwassenes wat diens in die kombuis lewer.	R1000
Meelopers	Ouers en eggenote wat nie diens lewer tydens die kamp nie.	R2250

Penkoppe en Drawwertjies

Paddavissies	Voor- of laerskoolkinders	R800
Slegs voor- of laerskoolkinders van diensdoenende volwassenes word op Kamp Nakuphi toegelaat.		

Kampbenodighede

- ☐ **Geen bordesakke** is nodig nie — die kamp voorsien almal van eetgerei om higiëne te bevorder. Bring slegs jou eie koffie- en koeldrankbeker.
- ☐ Bring jou eie **koffie- en koeldrankbeker**.
- ☐ **Flits** of koplighet met spaar batterye. Daar is geen krag op die kamp nie!
- ☐ Graad 8's (Varswaterkunde) en Graad 9's (Roeikunde): Tente word verskaf om in te slaap. Alle ander kursusgroepe en volwassenes: Bring jou eie **tent**.
- ☐ **Slaapsak**, kussing en kampmatrassie.
- ☐ **Lewensgordel** of lewensreddingsbaadjie.
- ☐ Volledige **aktiewe Voortrekkerdrag** met erkenningsbaadjie. (Donkerblou denimbroek met 'n blou of rooi Voortrekker gholfhemp en toe skoene of tekkies).
- ☐ Genoeg ou **klere** vir die kamp.
- ☐ **Swemklere**. Dogters: Volledige eenstuk swemklere. Seuns: Geen speedos nie!
- ☐ **Warm klere** (trui, sweetpak, baadjie). Dit word nog koel in die aande!
- ☐ **Reënjas**.
- ☐ Gemaklike **toe skoene** waarmee jy kan stap.
- ☐ **Waterskoene** (*Aqua Shoes/Aqua Booties*) is verpligtend vir alle kursusgroepe. Dié skoene kan aangekoop word by enige buitelig- of sportwinkel teen 'n billike prys.
- ☐ **Bybel**.
- ☐ **Toiletware**.
- ☐ **Sonbrandroom** en sonbril.
- ☐ **Waterbottel**.
- ☐ Enige spesiale **medisyne** met duidelike gebruiksaanwysings.
- ☐ Pen, potlood en notaboekie.
- ☐ 'n **Klein dagsak** vir algemene gebruik tydens jou kursus.



Varswaterkunde:

Tente word vir Graad 8's (Varswaterkunde) verskaf om in te slaap.

- ☐ Opvoubare **visstok** en klein visvangtrommeltjie (vislyn, hoekies, sinkerkies, ens.).
- ☐ **Inkleurpotlode**.
- ☐ 'n Leë 2 liter plastiek **gaskoeldrankbottel**.

Roeikunde:

Tente word vir Graad 9's (Roeikunde) verskaf om in te slaap.

Seilkuns:

- ☐ Opsioneel: **Werkshandskoene** om te gebruik tydens die op- en afslaan van seilbote.

Spyseniering:

- ☐ Gemaklike **toe skoene** waarmee jy in 'n kombuis kan werk. Geen plakkies in die kombuis nie!

Lewensredding:

- ☐ Algemene **skryfbehoeftes**.

Kampreëls

- 1 Niemand mag die kampterrein verlaat sonder die kampleier se toestemming nie. Enige spesiale reëlins moet vroegtydig met die kampbestuur uitgeklaar word.
- 2 Geen radio's, musiekspelers, luidsprekers of elektroniese speletjies word toegelaat nie. Los jou *Bluetooth speaker* asseblief by die huis — ons verkies die roep van visarende bo jou sokkie-treffer.
- 3 Hommeltuie mag slegs met die kampleier se toestemming gebruik word.
- 4 Verkenner wat van busvervoer gebruik maak, word versoek om bedagsaam te pak en om onnodige toerusting by die huis te los. Jou kampstoel is die eerste item wat ons langs die pad afgooi!
- 5 Die eerste ete wat die kombuis voorsien is middagete op Saterdag, 4 Oktober 2025. Persone wat vroeër op die kamp aankom moet die kampleier vooraf in kennis stel.
- 6 Geen bederfbare kos mag saamgebring word vir gebruik na Saterdagmiddag wanneer die kampkombuis amptelik oopmaak nie. Enige lekkergoed of peuselhappies moet asseblief in 'n geseëde houer gebêre word.
- 7 Geen Verkenner mag klappers, vuurwerke, vuurhoutjies of aanstekers in sy/haar besit hê nie. Ons kamp in 'n bosbou-area wat baie vatbaar is vir veldbrande!
- 8 Geen Verkenner mag gewoontevormende middels (sigarette, vape, drank, dwelms, hubbly-bubbly's ens.) in sy/haar besit hê of tydens die kamp gebruik nie. Indien sulke items by 'n Verkenner gevind word, sal die Verkenner en sy verbode middels huis toe gestuur word.
- 9 Die gebruik van selfone tydens die kamp is op die Verkenner se eie risiko. Kamp Nakuphi sal geen verantwoordelikheid neem indien jou selfoon wegraak of as jy met jou selfoon in die dam spring nie. Ouers word aangemoedig om eerder met die kampleier of kampsekretaresse persoonlik te skakel indien nodig.
- 10 Verkenner moet swemklere saambring wat die nodige beskerming teen die son bied en waarvoor niemand gaan skaam kry nie. Almal gaan heeldag bedrywig wees in en om die water en die kans vir ernstige sonbrand is 'n realiteit. Geen bikinis, speedos of hemde sonder moue mag gedra word nie!
- 11 Daar is geen krag op die terrein nie en kragopwekkers word volgens 'n skedule aangeskakel om noodsaaklike toerusting beskikbaar te stel. Dus is daar geen kapasiteit of fasiliteite om jou selfoon of kamera te herlaai nie.
- 12 Alle persone wat Kamp Nakuphi bywoon onderwerp hulself aan die gesag, gedragskode en reëls van bestuursliggame van Die Voortrekkers en aanvaar dat daar toepaslik volgens die bepalings van Die Voortrekkers se reglemente, insake dissiplinêre optrede, opgetree kan word indien hy/sy die beginsels daarvan of ander landswette oortree en aanvaar enige sodanige wettige optrede.

Kontaknommers tydens die kamp

Ouers word vriendelik versoek om tydens die kamp direk met die kampbestuur te skakel indien 'n Verkenner enige probleme ervaar of as daar 'n reëling getref moet word. Dit is normaal vir Verkenner om huis toe te verlang en die kampbestuur wil graag weet indien 'n Verkenner 'n ekstra drukkier nodig het. Moet asseblief nie sonder die kampbestuur se kennis enige addisionele reëlins direk met 'n Verkenner tref nie. Ons bestuurspan staan gereed om enige probleme so gou as moontlik op te los!

Vir enige noodgeval of dringende boodskap is die volgende nommers 24-uur per dag beskikbaar:

Jaco van der Walt	<i>Kampleier</i>	072 312 7722
Susan Conradie	<i>Kampsekretaresse</i>	082 563 1207

Nakuphi se nuwe volwassekursus

Kamp Nakuphi bied vanjaar 'n splinternuwe oriënteringskursus aan vir alle volwassenes wat vir die eerste keer as offisiere by die kamp betrokke raak. Die kursus word aangebied deur kundiges wat elke kursusganger wil toerus met die nodige kennis en bevoegdheid om as volwaardige offisiere op Nakuphi te dien.

Die kursus sluit die inhoud van die waterwerkspesialisering vir volwassenes in en word ten volle erken deur die toepaslike Voortrekkerstrukture. Offisiere verwerf insig in die ekologie van Suid-Afrika se varswaterbronne, asook die aanbieding van watersport en die hantering van watertuie soos roei- en seilbote. Die fokus is op die veilige en verantwoordelike fasilitering van wateraktiwiteite vir Verkenners.

Behalwe die tegniese vaardighede, berei die kursus nuwe offisiere voor om met Verkenners op Kamp Nakuphi te werk. Kursusgangers leer meer oor die kamp se kultuur, werkswyses en die waardes wat ons dryf. Die kursus is nie net leersaam nie maar dit belooft om vol pret te wees. Dit bied die ideale geleentheid om Kamp Nakuphi van binne te leer ken en jou voete in die offisieregeleedere te vind.

Vanaf 2025 is voltooiing van hierdie kursus 'n vereiste vir alle nuwe volwassenes wat by Nakuphi se Verkennerkursusse wil inskakel. Volwassenes wat in ondersteunende rolle diens doen, naamlik taakmag, kombuis, noodhelpers en paddavisse, is egter vrygestel van deelname.

Offisierevergadering

'n Offisierevergadering vir alle volwassenes wat Kamp Nakuphi 2025 bywoon vind plaas op **20 September 2025** in Pretoria.

'n Opsie om die vergadering aanlyn by te woon is ook beskikbaar.

Alle volwassenes word aangemoedig om hierdie geleentheid by te woon. Meer inligting sal volg.

Inskrywings

Alle inskrywings vir Kamp Nakuphi word aanlyn voltooi by **skryfin.voortrekkers.co.za**

Inskrywings vir Nakuphi 2025 open Maandag, 11 Augustus 2025 om 19:00

Nakuphi se kursusse word streng beperk en inskrywings word aanvaar in die volgorde waarin dit ontvang word. Om teleurstelling te voorkom, maak dus seker dat jy so gou as moontlik inskryf vir die kursus van jou keuse.

Besonderhede vir betaling sal tydens die elektroniese inskrywingsproses gestuur word. Maak asseblief seker dat jou selfoonnommer en e-posadres korrek ingevul is tydens die proses.

Die sluitingsdatum vir inskrywings is **20 September 2025**. Alle kampfooie moet voor aanvang van die kamp betaal wees. Indien jy vashaak en 'n spesiale reëling wil tref, kontak die kampbestuur asseblief so gou as moontlik.

Dit is 'n vereiste van Die Voortrekkers dat alle persone wat inskryf vir Kamp Nakuphi **ingeskrewe lede van Die Voortrekkers moet wees**. Jeuglede (Verkenners en Penkoppe en Drawwertjies) moet by 'n kommando ingeskryf wees. Volwassenes kan aansoek doen om as 'n Jeugvriende te registreer (teen geen koste nie).

Geen terugbetaling van kampgelde sal na 20 September 2025 gemaak word nie en alle kampfooie word verbeur. Uitrustings sal wel oorweeg word.